

金鎖流珠引卷之九

思八

中 華 仙 人 李 傳 風 註


上元上部將軍步綱圖

前聖老君授禹 莊禹受三等禹步一三步九

跡二十二跡三二十八跡今此三五大法通其禹步不傳世世絕此步後聖君再授方諸童君及尹喜真人王君及張天師等因此未書者皆後聖君再授也

右脚踏地左轉一轉即隨事所言

右脚踏地左轉一轉即隨事所言



老君授黃帝求長生等法訣七條

一求長生於世為榮貴法訣檢司命自誦五行祝一遍

金木水火土祝云云

二追召天狐法檢獸目言請上部功費追限某日到

三召龍檢龍訣

四召天神司命與上長生檢司命目

五召殺天上妖魁檢天鬼刀支

六欲召請日月星辰神檢日月星宿訣註左手甲下是也

七欲昇天及思自身神上天欲追天魔妖精

龍獸天狗天豹等崇崇人合死者前思本師承後出諸部如合弘兵共尋追斬之檢都監

訣後聖君曰步說即檢上元上部將軍訣註訣在左手第一指甲下又在中指二處都欲

上仙籍及修行出災害註如有災疾惡疾一具為辭狀言之或為人求福德收果去災

尼亦具辭狀言之一切悉能消滅

老君曰上元本命曰求長生先從上部將軍起次中部次下部其中元上部同註中部下

部總同用也得上元本命步上部三遍檢訣訖存上元上部唐將軍註次中元上部唐將軍

軍同從上元上部入泥丸宮等入泥丸宮少

時即入臣則左腎中註思存如合影圖此

名正魂魄也行之二年神仙不死之驗上部

事畢

上元中部將軍步綱圖

禹受前聖步綱之道以於中部註中部屬人上部屬天下部屬地三部之內中部下部事多過於上部教條中人中事下地中事甚精

或使效功或收捕有德驅役人鬼決水開山制鬼助人使龍使虎分變九跡成術萬端積

德累仁飛身太極留其中部教授有心註上部將軍步傳世世說之曰大禹步亦一十五

步曲折而行故稍難於上部而下欲有相似

若通者亦不為難志道之人役使蛟龍虎豹

濟助世人兼令得道乘龍御虎豹也



左脚踏一轉訖但依心願言之此中部李將軍行禁五行六甲七星九精五斗散此禹步

依之如衣使之如僕隨心順口後聖君告命祝初起綱又祝曰

太一是吾身吾是天中仙祖頭為太一府足

為天柱五藏為六甲主守天關驅使北斗叱喝一下千神萬靈俱隨口走急急如律令即思將軍入心腎中老君告黃帝及方諸童君曰此法一十六條是中部將軍合管使部行用步綱三遍單即檢中部將軍訣註缺在左

十第一指中節是第一法中部雖是上元主人是中部中部自有三將軍註亦上中下三元此中部將軍能與人求正仙道可以中元本命日行此十六條事總人間用要之法即行不要但步綱

一自身中元本命日步中部李將軍綱起三遍正魂鎮魄祝曰

李將軍入臣右腎中葛將軍為副使令臣則宜長生入世久視無畏無懼註使存入右腎中存之如合影圖中主鎮腎也祝訖叩齒

十二通檢中部訣註缺在左手第一指中節此法行之一年便長生久視百法立驗成

二自身出災害厄疾運取中元本命日從自身五苦地起步綱一遍出玉相註玉相兼命具在上五行引中註祝曰

出死入生註失修行文書及章表有死字在上行其生字不介於下書忘生無極得見太平君位畢檢水火土刀支金命人檢火刀支木命人檢金刀支水命人檢土刀支火命人檢水刀支土命人檢木刀支隨命各自有破五苦八難九厄百病刀支步綱於三五法中消之一年之中未便消滅災厄不尅已身長生其五刀支具掌圖中

三自身坐宅及院不安即取中元甲子日步綱繞宅取三市或長禹步不論跡數以遍為極訖三遍即祝曰

乾尊揮靈坤順內榮云云在金鎖流珠上卷中祝訖使安定

四自家宅中男女多病人口不安取中元甲午日甲申庚申壬寅日於中庭步上中下三部將軍綱各一遍檢明堂訣註缺在左手第一指第二節檢之噴水四方存出三將軍各領吏兵三千萬人繞宅三市出火水獅子蛇兵等趁除鬼祟氣流清蕩濁訖即書鎮宅符帖門戶上註其鎮宅符在三部雜符文中

即祝曰

符制百鬼伏滅邪精玄武息盜白虎云云

五自身被兵圍繞或行兵心中存作中部兩步一十五跡次下部十五跡轉天關指之存三部註上中下三元總都九將軍擊擊之立即走衝破使出即檢刀支訣註在左手第五指第二節右邊是刀支訣急檢之欲血出即得以配五斗衣五度指之所指之處破乃領兵衝之立見倒過出後即解刀支彼人不死不解即死祝曰

出死入生立到天庭青龍扶我出白虎衛我行我是天使使天關衝破法五兵急急急急急急急急急急如律令註即揚旗走馬擊鼓破之立出

六自身遠行經過山草恐有蛇獸劫賊來客及恐有諸凶毒註凶是人毒是蛇獸之物相害者但覓無草地步中上下部三將軍禹步各三遍訖檢生人喉頭目及刀支并蛇目虎目等訖身出九天之上註九天之上是第虛也一不違東山壽眾山壽眾且以狐等

在一女身打九丈夫不畏永不逢賊獸等忽
相遇彼自驚走而去永不相干祝曰

亭亭白奸汝死我選我按三元閉水封山賊
獸速走不須路問地軸縛汝不難不肯
去急縛急縛急急如律令注按此法未

發之時在家中多網作法了行無有賊獸之
物救千人千人賊獸自死也

七自有親族在他方州縣疾病及無圍隔者
注按此說父母伯叔兄弟表外之親皆得非
親道友弟子亦得外人非義者切不得故之

從中部起注網為人在中部火上元下部各
三遍訖後聖君告天師曰亦須躡天闕地紀
各一遍一云順倒逆三遍即存中元上部唐

將軍一人長八十一丈赤憤通天大冠帶劍
把戰領兵千萬眾前往彼宅放火燒鬼飛走
把刀入門大叫三五聲獅子龍蛇入彼人屋

內牀上牀下屋上屋下屋前屋後屋左屋右
凶殃毒殺患者皆誅斬之令砂崩瓦碎鹿走
千里誅斬清靈事訖令其病速差某賊某兵
速敗訖報者云云注作辭拾上元訣次中元

中部葛將軍一人身長七十二丈赤憤通天
大冠帶劍執節領兵三千萬眾往某州縣鄉
里某家宅中某身添患云云注須依疾病各
恐被某鬼神妄祟所害與放火水燒流鬼賊
眾把劍入門大叫三五聲獅子云云同前之

言次中元下部周將軍一人身長九十六丈
赤憤通天大冠帶劍執節把符領兵三千萬

眾往某州縣云云同前言辭即捨訣注按在
左手第一指第一節急捨之將三將軍陣飛
天而去滿天蔽日到彼故毒行病鬼賊如金

鐵流珠中篇三元三將軍法圖行用思存之
八自身及六親道友被人作口舌讒謗兵行
謀害者以步天網地紀各一遍訖即救步出

存地闕各十五跡中元將軍禹步三遍訖捨
彼人刀支注刀支捨少間不損前人考久久
捨之十日五日彼人即回至死須者云就不
得便去換人換之換之一月半月間具前法

即云為某事被某人作某口舌讒佞某身不
安全請中部將軍一人集上部下部將軍各
一人兵士各三千萬人為臣則女解除凶人

要妄作口舌相謀之事鎮獸勿令有發動之
時急令彼人自伏匿自受災害口舌之事永
去我身反自作害彼人某之身急急如律令
即誦金鎮流珠躡地紀十八遍呪呪曰
吾受天炁當為天地使云云十八遍呪總在

地紀經中一一誦之訖捨訣注按在左手第
五指第三節文上從而上方連捨口舌故在
第一指第二節及指甲下捨之

九常自去身中三尸蟲令無妄白日過失及
作身中疾病永得長生者可取中元庚申日


步中元三將軍禹步三遍訖即誦十八篇呪
呪訖服符符在一百五十將軍靈書中有之
十則每年取中元甲子日步中元將軍禹步

三遍訖服制魂魄符三遍誦一符上元一符
中元一符下元訖誦飛步天網五行呪呪是
金木水火土五行相推七星煥煥天網最威

是也又誦地紀五行呪五行相推金木相伐
水火相滅銅口鐵舌是也單一日素食
十一常以一年之中取中元日排鏡七面可
為一尺八寸闊照身中神看有七魄以死若

欠一鏡中神即謂之神不足即吞安魂鎮魄符訖履中元將軍禹步三通訖誦地紀祝父母篇一遍註再生於父母長在俗間云云

安魂符




鎮魄符



十二取中元甲子旬中取自身本命日書三符以帶之度九厄八難上中下等三元符

上元符



中元符



下元符



右五符並朱書

書此符訖勅之曰


天之所育地之所成某甲佩符符與身并仙人輔已玉女衛形五色變化黃白赤黑青二十八宿合升紫庭神符却禍蒙福長生急急如律令註符並帶之用後男左女右

十三常護身保家者以朝修行後存中上下三將軍出巡家及身訖存入心腎之中常以衛護謂之衛身濟人有時即存往某州縣鄉里圍繞某家宅舍驅除凶惡之眾鎮守某親之身

此後聖君告天師十三條謂常存法也十四入山水火渡江河用法常未離家之前三日或兩日步中上下三元禹步各三通訖即言臣則主欲入某山渡某河海江恐有蛟龍虎狼惡賊所謀臣身伏乞過度災厄令不

逢見見即與敵令勿損臣等身急急如律令即捻虎目賊刀支天師曰我受先師後聖君之教入山捻山王鬼刀支或捻虎狼目入江海捻海神目入兵捻眾人刀支

渡江河海符二道





勅曰弓達達河伯導前辟蛟龍萬惡自滅天帝明急急如律令

入水入火符




入山符






夜行入山符以帶之



勅曰恒山之陰太山之陽精魅不起毒蛇伏藏虎狼見我盡皆驚忙有姓李名耳猛虎見摧牙折齒毒蛇見者盤不起急急如律令檢都監訣

十五欲得一身及一家無病常正朝歲日步三元將軍三等網從中元起次上元次下元注為人屬中元起從中元起步網從檢都監訣及都鬼目及三師等訣訖誦地紀十八篇呪畢又誦天網祝一十二篇訖便檢都監都心兩訣註大都監訣在左手橫文如人拳相

似都心在左手第一指甲下念檢之是千變萬化之內訣也吞一符一年一身及家若千人總無病每一人吞一符即得一年無疾也正月一日服此符一道




勅曰太上老君所生受使馳收縛精速去千里當吾者死視吾者亡急急如太上老君女青玄都律令

十六常以六戊日戊子戊辰戊寅戊申戊戌戊午是以取六戊上土以為餅子長三寸二分厚三分陰乾數日即步中上下三元網各三遍畢誦地紀祝十八篇畢繫此餅子并著兩脚心覆水如行地永渡江河避難得訣在左脚下海神河神等目以朱塗之其土餅子繫著地心地神目上即禁得一切江海河湖中行水如地也此法妙極秘之其上元之中唯中部法通人使神制鬼救民求仙入真妙極之一法在於中部

上元下部將軍步網圖

次上元下部將軍一人姓徐名康身長五千萬丈領註全鎖流珠上無領字下五剛神功曹一人姓溫名舒註按流珠只言功不言人字言姓溫名舒即合是一人而已言百千萬重人赤衣應是兵士必詐功曹也按後聖君告天師曰上元上部將軍一人五剛功曹九人主事功曹九千人上元中部將軍一人五剛功曹七人主事功曹七千人上元下部將軍一人五剛功曹五人主事功曹五千人兵士各百千萬重人並莫知其萬數也按此是後聖君授即是真數上元五剛功曹九人定上真中真下真上仙依此數也百千萬重訓多也人赤衣赤憤大將軍右手持玉陽之節腰帶龍淵莫耶之劍註按老君傳云斬邪之劍大羅天之上遊檢下入人身心中右腎中存思右眉天門中出具有依前上中部將軍用也後聖君授天師拔宅升天訣云此三元大將軍上元三部是也並天皇代前聖大道君封補其上仙將軍之位也註其流珠云並

是三皇以前太易之代非也中元三部即後聖君置也其下部徐將軍事修行用法一一依上部中部修用也大約下部主地水心行之事悉皆起念便是用法一一皆主地水神龍鬼之物也



後聖君告方諸童君及諸大真言上元三部將軍步綱以正鎮三魂北斗步綱註是飛步天綱以定七魄註不論天綱地紀之法皆同制於七魄之法也夫人學仙道皆須先正三魂後制七魄今定是法之具八仙道之門功滿上昇禹步之綱以治萬神萬神正定五藏堅牢法成身真故曰真人其行修下部步綱皆以下元甲子中本命日修行步三遍註三遍一從初起問兩跡上跡步上至十五跡是也即誦地紀十八篇祝一篇天綱祝十二篇一遍訖即捨都監訣少時即畢其別行用並

依前用

金鎖流珠引卷之九

正一天師清微弟子 洪百堅 製作

道教學術資訊網站

金鎖流珠引卷之十

思允

皇極真經卷第十 漢書卷之十

中華 仙 人 李中風 註

存誦中斗七星名法圖

第一星名貪狼字露神子二名魁三名陽明四名若為五名神武六名玄樞七名天英八名恥符正名否留內名關上屬歲星鎮應徐州也是天御史中丞西河人註此一星有九名多是古星官之位名又言御史中丞者亦如今國家有此官也北斗御史中丞即天曹官位子生人屬之也

第二星名巨門字貞之二名魁三名喻見四名陰精五名敢武六名天根七名法提八名已无內名關上應太白星下應益州也是天大司馬南鄉人註揚州之南霍山之側地生也丑亥生人屬之也

第三星名祿存字子宜註一本無宜字也二名魁三名真人四名歷擊五名神剛六名天柱七名命機八名老鬼陽內名註內名者是真名也關上應箕星下應冀州是天少府